

摘藻堂四庫全書薈要

集部

欽定四庫全書薈要

集部  
御選宋詩卷三十四

詳校官原任主事  
李斯咏



欽定四庫全書薈要卷一萬八千三百四十一

集部

御選宋詩卷三十四

七言古詩十

方岳

東西船



昨日東船使風下突過乘輿快於馬今日西船使風上  
適從何來急於浪東船下時西船怨西船上時東船羨  
篙師勞苦自相寬明日那知風不轉推篷一笑奚爾為

怨遲羨速無休時沙頭漠漠杏花雨依舊年時檣燕語

諭俗

稻壓田塍牆頭重蛟蛇糾蟠扶不動得霜欲老晴下鎌  
捲野秋雲堆作隴昨日糴米如糴珠頓落半價多年無  
賣刀買牛政不惡一字入官妨爾樂不知阿婆殺雞賽  
田神阿翁買酒邀田鄰三杯徑醉客歸去茅簷曝背溫  
如春

觀漁

林光漏日煙霏濕鷓鴣族立春沙碧湘竿擊水雪花飛  
鷓鴣沒入春溪肥銀刀撥刺爭三窟烏兔追亡健於鶻  
搜淵剔藪無噍類餘勇未厭心突兀十十五五斜陽邊  
聽呼名字方趨前吐魚筠籃不下咽手捽瑣碎勞爾還  
嗚呼奇哉子漁子塞上將軍那得爾

扣角

東家打麥聲彭魄西家縑絲雪能白中間草屋眠者誰  
不農不桑把書冊書中宇宙三千年凡幾變滅成飛煙

不知讀此竟何用蓬蒿拄逕荒春田東家麥飯香撲撲  
西家賣絲糴新穀先生帶經駕黃犢扣角前坡煙水綠  
次韻採茵

秋崖不慣大官肉雪屋為出齋房芝山靈頗憐世味薄  
風格略與詩情宜松籐何但退三舍巖拳恨不同一時  
自尋墮樵了幽寂豈料枯枿能神奇羣仙餐霞吸沆瀣  
豪貴蒸乳盛琉璃磚爐石鼎煮飛瀑此妙勿令渠輩知

題司理采芙蓉圖

紉之以湘纍秋蘭之珮載之以剡溪夜雪之舟漱之以  
清冰寒露之壺澆之以碧玉晴雲之甌著童船尾書船  
頭荷花浦澈雙飛鷗新紅如洗雲錦稠停撓佇棹香浮  
浮薰風滿座涼颼颼醉面欲醒誰相醺若有人兮眇中  
洲把住月老叫不休花亦問月愁不愁何以了此蒹葭  
秋蛟宮蛟宮夜泣悲靈修靈幢欲濕行雲留楚騷如水  
不可作此意難以筆墨求蕩予槩兮涯之幽

中秋

月出未出山蒼蒼明毫倒射生寒芒光搖林彩已奇怪  
月時猶在青山外一杯兩杯呼出來仰天喝雲雲未開  
冰輪碾上何人推天涼如水青如苔不知今我何如哉  
冰撐雪拄胸崔嵬欲飛上天斟斗魁手取蟾蜍探撥醅  
醉眠老兔秋氍毹下視茫茫青作堆今人不見古時月  
古月長照今人哀由來今古一丘貉安用老滴成瓊瑰  
如此佳月能幾回搔吾鬢已霜皚皚李白如在三百杯  
與騎鯨魚游九垓



豆苗

江南之筍天下奇春風怱怱催上籬秦郵之薑肥勝肉  
遠莫致之長負腹先生一鉢同僧居別有方法供齋蔬  
山房掃地布豆粒不煩勤荷煙中鉏手分瀑泉洒作雨  
覆以老瓦如穹廬平明發視玉髯磔一夜怒長堪冰苴  
自親火候淪魚眼帶生毛入晴雲盃碧絲高壓涎滑蓴  
脆響平欺辛螯焯晚菰早韭各一時非時不到詩人脾  
何如此雋咄嗟辦庾郎處貧未為慣

合紙屏為小閣畫卧表訪戴其上名之曰聽雪  
各與長句

空山十日雪塞門天荒地老無行人蘆花敗絮不堪著  
山石夜裂蒼皮皴奇寒中人僵顛顛樵汲路迷瓶粟既  
駕風萬鶴危欲仙此腹久無煙火氣家家暖入紅麒麟  
誰肯問訊推柴荆洛陽令亦可人者惜哉史不書其名  
此公要亦非知我志士從前例寒餓倘令開口向凡兒  
寧忍春雪曲肱卧

颼颼颼颼風落木淅淅瀝瀝聲撼竹乾坤不夜起開關  
一港玻瓈四山玉我所思兮渺中洲幽懷欲寫誰與酬  
世間餘子不足語乘興徑上漁翁舟未到山陰竟回棹  
歛去驟來何草草神交如必面相朋逸韻高情一如掃  
寧可一生無此人不可一日無此君襟期何必戴安道  
玉立寒青自不羣

利登

青陽洞天呈青陽主人曾少裕

兩岸蒼蒼峭天柱停策崖邊喚舟渡青巾羽客打舟來  
驚起靈虵絕溪去千年神漿不自惜萬里晴天安得雨  
但見飛流落半空中此水來何處巖下猶涵太古泉  
安知上不通銀浦蒼藤半濕苔蘚昏石罅無根迸孤樹  
洞門一隙僅通人可惜鑿空開洞府乾坤明晦自有時  
突然棟宇那非數開闢豈無人到來巖南尚絕猿猱路  
先生朝昏息丹巖萬壑歸心心不語瑤磬一聲天碧寒  
白雲紫霧驚相顧

野農謠

去年陽春二月中守令出郊親勸農紅雲一道擁歸騎  
村村鏤榜粘春風行行蛇蚓字相續野農不識何由讀  
唯聞今年秋粒顆民不收上堂對妻子炊多粒少饑號  
啾下堂見官吏稅多輸少喧征求呼官視田吏視釜官  
去掉頭吏不顧內煎外迫兩無計更以饑軀受笞箠古  
來丘隴幾多人此日殘生豈難棄今年二月春重見勸  
農文我勤自鍾情自釜何用官司勸我氓農亦不必勸

文亦不必述但願官民通有無莫令租吏打門叫呼疾  
或言州家一年三百六十日念及吾農唯此日

錢時

袁尚右座中王屯田出與可竹甚奇歸成古調  
郎星聚頭金地麓十月夜堂春昱昱屯田博古到名畫  
座上忽展牛腰束我生不識須菩提薛鶴楊梅姑置之  
寒梢八幅奇更偉上有巴中與可題蒼蛟滑足石詰曲  
鐵鈎怒掃聯蛇腹歌風洒雨清逼人恍疑身在簪簞谷

千尋雙幹劒拔雄筆力有盡意無窮冥冥上與風霆會  
拭目變化洪陂龍長憶東坡一轉語與可德人非畫史  
輪困寫出歲寒心正要諸公相料理

薛稷鶴楊補之梅  
并唐畫須菩提像

皆座上  
所觀

周弼

菰菜

江邊野灘多老菰抽心作穗秋滿湖拂開細穀芒敷舒  
中有一米連三稂剖之粒粒皆尖小整齊遠過占城稻

不煩春簸即晨炊更勝青精顏色好尋常艱得此忻逢  
默計五升當百叢雨多水長倍加益十畝定收三十鍾  
野人獲之亦自足何用虛縻太倉粟連日秋風思故鄉  
沉復家田有茅屋墜網重腮鱸已鮮蓴絲牽葉又流涎  
急歸收穫頻溪畔細撥蘆花撐釣船

海棠

海棠最佳須老叢遠及百年花始紅歷看名葩此為盛  
剛柯硬葉交相映倚石攢青二三丈雨膏倒吸臘脂上



髣髴璇霄發曙光  
細簇蓬萊繡旗仗  
露欲收珠色轉深  
香玉萬顆藏春陰  
輕風欲透紫絲障  
一片朝霞傾入林  
鳳城多少栽花處  
低嫩俱無可觀樹  
相對令人憶故山  
年年雕萼掃朱欄  
只今惟有溪童在  
應放高枝棲白鷗

陳起

汎湖紀所遇

六橋鶯花春色濃  
十年情緒藥裏中  
筆牀茶竈塵土積  
為君拂拭臨東風  
可笑衰翁不自忖  
少年場中分險韻

畫舸輕移柳線迎。侈此清遊，逢道韞銖衣飄飄，凌綠波。  
翡翠壓領，描新荷。雍容肯就文字，飲烏絲，細染還輕哦。  
一杯絕類陽關，酒流水，高山意何厚。曲未終，兮袂已揚。  
一目歸鴉噪，棲柳。

宋伯仁

寄征夫

待君君未歸，寄書書不去。寄書書可去，有意殊難語。  
深夜彈琵琶，思君在何處。知君在何處，不禁春事已闌珊。

東風吹起楊花絮  
東風吹落楊花絮

李曾伯

已亥題茅山玉晨觀

煙雲作嶂松作闕  
夜深迫人星斗寒  
分明已在天上坐  
不可更作人間看  
須臾睡去復睡覺  
髣髴前身在巖壑  
洞門鎖鑰呼未應  
時有天香暗飄落

姚勉

遊曲江分韻得日字

曲江磯頭山翠聳此景江南誇第一漁舟晚弄暖波閒  
市樓春映晴嵐出擁肩寒吟入畫圖席地草飲成真率  
更叩僧房借榻眠再上山椒約明日

訪李興伯不遇其家人命二子留宿有古人截  
髮撒薦之風賦此志喜

暮煙蒼茫浮林麓征人尚殷歸鴉宿山前知有故人家  
急往叩門驚啄木主人多日出未歸鵲飛三匝愁無依  
剖羊忽逢伯仁母設饌乃有襄陽妻竹窗掛燈見二子

褒己自佳融更偉烹雞炊黍羅酒漿奴飯馬芻更充美  
慨然好客尚父風謫仙家人自不同古來如此能有幾  
截髮留賓書入史王珪他日貴勿疑不須論客母可知

中秋放舟

玉壺瀟灑澄風露一派銀河卷輕素九秋此夜恰平分  
冰輪碾上青霄路繞枝散亂驚飛鵲搗藥分明見靈兔  
荻花冷浸一汀水桂子香飄半天霧江山如畫洗塵目  
風景入詩多秀句乘風緩放牛渚舟仰空長歌赤壁賦

往來舉揖直欲舞興到行杯不知數此江流水自千古  
此月照人知幾度一年好處在今宵不到天明莫歸去  
余評事惠龍團獸炭香瓔鳧實且許以百丈山  
楮衾而未至

青禽銜雲落蓬壺風簷快讀光眉鬚百朋珍貺羅庭隅  
一一皆可當清娛建溪龍焙香雲腴香瓔巧製來東吳  
鬚鬢獸炭奇形模辟邪天祿獅熊羆王家烏種君家鳧  
晴沙暖抱明月珠雅意下照仙人癯矮窗醉兀詩情孤

蒲團松拂燒紅爐蝸廬積凍春潛驅侍兒金珞香玉膚  
月鑪煮雪煎春酥窗前笑玩嬌黃雛能言直可貢上都  
其波及晉皆君餘獨欠一幅橫雲鋪王孫醉擁紅氍毹  
楮生長揖非吾徒藤牀紙帳恰此須能供梅花清夢無

### 京城苦熱

羲和鞭日就地行祝融張傘燒空明錢塘人家苦偏仄  
行立坐卧皆如蒸清宮邃殿山峨雪歡飲相攜冰藕潔  
溫泉浴罷涼飈來太液池邊芰荷月王公甲第連雲霄

柳泉竹石秋蕭蕭龍皮淺沁寒坐客驪珠直上清塵囂  
天上清涼不知暑炎熱人間徒自苦亦有江南雲水鄉  
胡不歸歟釣烟雨

聽箏

春簷雪乾初日長簾花深壓梅影香美人帳中午睡起  
釵橫鬢髻慵添妝文窗窈窕鮫綃綠卧按古箏橫漆玉  
微揎翠袖露春蔥學弄梁州初遍曲拂絃輕握三兩聲  
問渠學曲成未成已成未成君莫問聽取軼軋咿嚶鳴



七絃一似焦琴樣立雁參差相下上左按天孫織錦絲  
右斡仙人飛海杖輕挨淺握聲短長疾徐洪纖抑復揚  
瓶笙吐韻出蚓竅雲車碾響升羊腸雙龍晚日吟秋水  
孤鸞春風悲鏡裏清猿嘹唳萬松間雛鶯惺鬆百花底  
平生有耳喜此聽手不能作心自醒除却高山與流水  
琵琶箜篌俱逕庭樓中弄玉吹簫侶同學丹山鳳凰語  
鳳凰鳳凰來不來簫史行雲在何許

朱繼芳

送李秋堂赴京口

客懷正賴春相與苦欲留春天不許送君一舸下南徐  
落花起舞流鶯語鮫人欲出扶桑繭天女染作紅雲段  
君從何處得錦機借與人間作樣看青杏園中暖漏長  
柳綿如雪撲酒缸吳姬道字未端正當壚學唱新番腔  
貌貅百萬張頤仰都將鐵甕盛春釀有客高談四座傾  
王人合序諸侯上日邊此別各南北君頤始髭我衰白  
何以贈之折柳條千絲萬絲心搖搖

趙崇鉶

尋真夕對

春雲弄月黃金絲  
春山草木皆仙姿  
松根對坐日西夕  
羣峰當前列青壁  
鏗鏘虛壑含古音  
靜聽宛似商山吟  
洞石微開月當戶  
剪水絃冰心手語

大孤

大孤溶溶決眼青  
小孤江色春冥冥  
隔江淮壖幾千里  
枯荻蕭摻朔風起  
佳人何在遙相望  
我無羽翼從君翔

為君暗整珍珠裳  
綠蘅翠芷參差香

黃大受

中秋舟次沙津

去年中秋月照我入桂城  
今年中秋月送我到江陵  
桂林二千八百里城邊買船發  
春水瀟湘六月寒如水  
洞庭湖中秋氣生  
峽江西來雪波急  
片帆帶雨煙中濕  
朔雁不來蘆葦秋  
風林浙瀝生人愁  
反思前年風露好  
月入金尊醉將倒  
如今漂落千萬山  
煙波瀾漫幾時還  
露

香堂中千百甕王瓶取醉風吹夢今宵絃管鬧繁華燈  
火沙頭一萬家爭似詩翁弄江月微吟還自汲江花

趙希格

次韻李鶴田德真寄遠

長安日下浮雲生故人久作西南行  
漚邊兩載音信絕鬢絲應與秋風爭  
蒼苔冉冉荒茅屋愁來忍把離騷讀  
驚鴻剛自墮邊聲碧嶂那堪遮遠目  
青雲高處期翱翔去人歲月今堂堂  
吳鉤拂拭霜雪冷龍光飛躍秋天長

思君一夜離心折東樓又送無情月

吳汝弋

竭來

嶺上竭來觀白雲翔鸞奮鶴浮天英斜開錦繡春樹滿  
溶溶半露遙山青忽然變現成蒼狗萬里長風霍無有  
海龍塞氣不敢吹日照虛空無老時

陳鑒之

同潘孔時飲揔宜園孔時出寶晉數帖呼道人

吹簫次日有詩予用韻答之

六橋秋新宜醉吟  
舉杯共聽巖鶴音  
危亭三面立老竹  
寶晉數帖清人心  
涼蟬不敢喧夕曛  
洞簫聲繞山腰雲  
搖搖歸艇水紋裂  
山紫天青河漢白  
想君獨立對空濶  
一鷺毛寒藕花月

樂雷發

寄雪蓬姚使君

贈君昆吾湛盧之寶劍  
青雀黃龍之巨航  
懸黎垂棘之

美玉都梁篤耨之名香佳人佳人在何處濯足洞庭望  
八荒搗車馐馐辟芷綠欲往從之道阻長倚寶劍兮翼  
軫膠巨航兮沅湘玉以彰君子潔身之德香以表騷人  
流世之芳我所思兮隔秋水天吳翕忽蛟螭翔佳人佳  
人蹇誰與愛而不見心盡傷

毛珣

登黃岡清淮門

風吹蘆葉江頭路江水江天共秋暮邊淮寒早客行稀



只有征鴻向南去征鴻自去書不來遠衣未寄憑誰催  
孤城慘咽暮笳起城下荒榛接淮水

種竹

山居無力塵居俗有客勸予惟種竹種成貧家可驟富  
翠色琅玕遶君屋清塵荷鋤斲溪岸分得溪光入城綠  
暮年有事課功遲坐待春風滿林玉

檜瀑

媧皇失補天南角一道銀河落君屋又疑元氣自周流

不然瀉盡誰能續瀑邊老檜尤可人髯疎骨瘦皮鱗皴  
崩崖欲壓全不懼夜半潛蛟暗來去

富池廟

船頭蜀錦三千尺倒影長虹浸寒碧相逢不是紫髯郎  
鸚鵡洲邊眼生棘江頭簫鼓雜靈鴉人道陰兵曾護國  
安知樓下雪千堆不是吞曹氣衝激

秋日即事

黃花暴日香欲醉黃蜂抱香暖欲睡老夫邂逅亦欣然

一段先天畫前意  
喧喧歸雀聒叢篁  
夕風欲轉明朝霜  
花搖蜂醒我亦覺  
斜陽一片秋茫茫

徐集孫

觀秋潮

八月西風噓沆瀣  
長江協候肆澎湃  
錢塘王氣天所鍾  
非為子胥逞靈怪  
海門三山縹緲青  
雙練夾岸奔雷霆  
蛟龍鼉鼉匿形影  
銀濤雪浪翻滄溟  
踏浪羣兒慣行險  
出沒波心旗閃閃  
須臾激濫潮信平  
蕩漾漁舟千萬點

天低暮靄襲人衣  
遊子興盡各云歸  
獨有騷翁看不足  
吟到夜月揚清輝

裴說

寄邊衣

深閨乍冷開香篋  
玉筯微微濕紅頰  
一陣霜風殺柳條  
濃煙半夜成黃葉  
重重白練明如雪  
獨下閒階轉淒切  
祇知抱杵搗秋砧  
不覺高樓已無月  
時聞塞雁聲相喚  
紗窗只有燈相伴  
幾展齊紈又懶裁  
離腸恐逐金刀斷

細想儀形執牙尺回刀剪破澄江色愁捻金針信手縫  
惆悵無人試寬窄時時舉手勻殘淚紅牋漫有千行字  
書中不盡心中事一半殷勤託邊使

羅椅

次歐振仲見贄韻

紫蘭賸有無離騷梅花不欠欠水曹眇焉何許是人物  
枉子秣馬行林臯古人相逢未易得紫燕西飛東伯勞  
吟餘切莫談時事正攪春思紛如毛

錢選

雪霽望弁山圖

弁山之陽冠吳興嵒嶙巖嶭望不平煥然仙宮隱其下  
衆山所仰青復青雪花夜積山如換乘興扁舟須放緩  
平生不識五老峰且寫吾鄉一奇觀

何夢桂

贈徐霞錦

昔日山陰老魏仙丹成飛去三千年倒影滅沒不可得

誰駕玉犬驂雲駢當年從事君家祖獨向爐邊得丹譜  
刀圭入口羽翰生至今去作羣仙父丹砂散地無人收  
聚作丹霞如錦毬騰騰五采狎獵起夜半精光衝斗牛  
問君從事適孫子全家任坐丹爐裏夜窺璇璣落星躔  
晝負丹囊踏山水有時賣易掛百錢醉卧圯橋墜雙履  
問君何事落人間謫業已盡當復還人間處處風雨惡  
不如歸去蓬萊山山中朝霞猶可餐

方夔

無愁潭

酌彼無愁酒歌我無愁詩  
竭來無愁潭上弄明月漱滌  
萬慮清肝脾平生蓄積總開豁  
便欲遺世超希夷持杯  
試問此潭水昔來何處今何之  
覆船山高寒岌業玉泉  
飛下東天池分流一瀉數百里  
直抵絕壑渚清漪鏡平  
百丈洞無底其下深黑蟠蛟螭  
幽蘭薜芷亂洲渚倒影  
寒浸枯松枝千回萬折流到海  
波濤噴薄孤城危潮生  
水滿潮退涸蓬萊清淺倏改移  
此愁與水兩無盡昔人



已去今人悲君不見莫愁鄉下春水長畫船鼉鼓相追  
隨澹煙芳草望不斷石城荒廢留空陂不如此潭只在  
山水窟縱有奇勝無人知何曾紅粉照清泚但有款乃  
漁翁詞一聲歌斷暮山碧秋風兩鬢寒颼颼

桐關大石

蓋天蒼蒼非虛空高懸萬象驚愚蒙仙人朝罷玉帝側  
戲拋黃土留遺踪何年墮此作砥柱千古屹立洪濤中  
巨魚出沒深不測罅縫草長蒲花茸淙淙細浪夜春擊

水石韞韞鏗金鐘我來載酒坐其上扁舟南下編青蓬  
飲酣恍恍欲飛去如踞猛虎騎遊龍夜深酒醒山月落  
一曲短笛橫秋風

龔孟夔

送孟和鄉平陽尋母

杜羔念母心最苦豈意一朝逢澤潞母驚兒貌似乃翁  
兒抱母啼淚如雨五十孺慕朱壽昌刺血寫經毛髮蒼  
間關同州晚相見迎侍親輿歸故鄉人生百年一彈指

母恩未報情曷已團團尊前舞綵衣大勝世間朱與紫  
予行萬里涉風沙誓不見母不還家兒今髮落母應老  
道旁觀者還咨嗟臨川孟氏號雍睦家世來此澶淵族  
婆娑老暮紫荊花料想春風依舊綠

劉鑑

醉題月亭

采石江頭李太白狂不耐煩宮錦窄赤壁磯下蘇東坡  
一葉泛泛凌風波當時有月并有酒和酒和月吞入口

酒腸得月冷於冰化作瑰辭喧宇宙兩首賦百篇詩千  
秋萬世稱絕竒兩翁不作歸來鶴玉宇瓊樓寒漠漠若  
得長江變潑醅少住人間亦差樂望圓晦缺秋復春古  
來明月今來人我時舉酒問明月月亦團團應不得鐵  
如意玉唾壺我歌君和聲嗚嗚爛醉起舞嗔人扶問影  
莫是李與蘇月中仙子知得無

登黃鶴樓

西風吹我登黃鶴白雲半在闌干角題詩不見舊時人

惟見青山俯城郭  
萋萋芳草鸚鵡洲  
江水滾滾來無休  
歲月俯仰成春秋  
古人今人無限愁

梁棟

野水孤舟

前村雨過溪流亂  
行路迷漫都間斷  
孤舟盡日少人來  
小舟繫在垂楊岸  
主人空有濟川心  
坐見門前水日深  
袖手歸來茅屋下  
任他鷗鳥自浮沉

邵桂子

海蟾

三足老蟠太陰精夜載阿姮朝帝庭澡形不假桂花露  
背負金輪浴滄溟騰騰躍起幾萬尺癡腹一團露圓白  
睨目光射鮫宮寒海若天吳難遁跡腹中萬斛蚪蚪藏  
吐作列緯森光芒曉驂六龍駕羲馭騰踏未必輸飛黃  
牟巖

長江圖

漢川影落鸚鵡洲金山鐘到多景樓老龍幾載卧寒碧

中間不斷萬古流  
晚來雪浪大如屋  
澎湃舞我一葉舟  
移岸轉知何處離  
離烟草令人愁  
說與渠儂莫倚柁  
轉帆別浦盍少休  
此圖此景俱可惜  
展玩不足空白頭  
家在江水發源處  
何時還我舊菟裘

真桂芳

陳雲岫愛騎驢

君不學少陵騎驢京華春  
一生旅食長悲辛  
又不學浪仙騎驢長安市  
淒涼落葉秋風裏  
却學雪中騎驢孟浩然

然冷濕銀鞵敲吟鞭梅花溪上日來往身跡懶散人中  
仙有時清霜松下路松風蕭蕭驢耳豎據鞍傲兀四無  
人牧子騎牛相爾汝勸君但騎驢行路穩姑徐徐九折  
畏途鞭快馬年來曾覆幾人車

王弈

贊見五峰燕先生

康廬峯律撐青空五峰下有神仙翁黃金為佩白玉瑣  
跨虹飛上燕臺穹紫垣蒼瑣白日靜薇花的的明丹衷



帝謂公田久不井為提明月江西東某丘某壑無隱耳  
貯見漢庾堆陳紅周官六典豕宰事有功畎畝方為忠  
蹇予落魄不歸子半生煮字悲吟窮蓋頭不忍戀茅屋  
負笈遠拜夫子宫黃河泰華幸一見於人須識歐陽公  
枯根纖芥盡收拾藥籠未必遺芎藭品題願借燕許筆  
何以報德歌豳風

文天祥

贈曾一軒

磨蝎之宮星見斗簸之揚之箕有口昌黎安身坡立命  
謗毀平生無不有我有斗度限所經適然天尾來臨丑  
雖非終身事干涉一年貝錦紛雜糅吾家祿書成巨編  
往往日者迷幾先惟有一軒曾正德其說已在前五年  
陰陽造化蕩晝夜世間利鈍非偶然未來不必更臆度  
我自存我謂之天

和謝愛山晚吟韻

并引

日晚與客散步因誦夕陽雖好不多時之句謝愛

山欣然賦之余亦率然口占以和亦一時之樂也  
日落未落天蒼涼懸厓掛壁留餘光紫煙翠霧空迷茫  
颼颼度壑松風長牛背短笛催歸忙飄飄逸興空悠揚  
襟懷灑落萬慮亡須臾薄暝山色藏長歌浩浩相激昂  
澹雲弄月微昏黃

贈林碧鑑相士

咸陽宮中四尺鏡照人五臟何炯炯桑田滄海千餘年  
百鍊依然化為鑛君從何處得此物鑄就雙瞳敵秋月

向來照心今照形不事瀾翻三寸舌遠衝風雪肯我過  
看來猶未深知我我方蓑笠立釣磯萬事浮雲都勘破  
噫嘻吁只今神目鬼眼紛道途暗中許負應胡盧試問  
何如林家老碧鑑不知天津橋上復有龍鍾無

偶成

昨朝門前地寸裂今朝牀下泥尺深人生世間一蒲柳  
豈堪日炙復雨淋起來高歌離騷賦睡去細和梁父吟  
已矣已矣尚何道猶有天地知吾心

謝枋得

華峯雪霽

朔風吹折寒梅枝，嚴凝凍合彤雲凝。  
筆峰屹立亘今古，堆螺積聚皆昏迷。  
楊花飛舞盈三尺，蝶翅交加呈六出。  
朝陽發焰照乾坤，萬壑千崖消粉飾。

竹

新篁娟娟如綠玉，瀟然出塵淡無欲。  
清風明月誰主張，畱得此君在空谷。

菊

淵明豈但隱逸人  
淵明素懷諸葛志  
清香不獨占秋天  
菊潭一滴三千歲

松

喬松磊磊多奇節  
冬無霜雪夏無熱  
根頭更有千歲苓  
知誰可語長生訣

鄧光薦

題烏龍山

歲云暮矣可奈何雲愁雨濕陰風多林壑摧殘海驚波  
慘澹一色無山河哀鳴嗷嗷舊枝柯飛云不容憂虞羅  
深山短景孤鳥過會看明午風日和

林景熙

春感

柳花袞雪春冥冥溪風一夜吹為萍萍隨風去渺流水  
人生無根亦如此故山入夢草芊芊半窗疎雨寒食天  
曉來白髮稀可數多少朱顏化黃土高原冉冉青煙斜

麥飯洒松能幾家子規叫殘金粟暮繭紙蘭亭已飛去  
毗陵太平院壁間畫山水熟視之有飛動勢殆  
仙筆也因賦

山風不動雲四寂萬頃波濤生素壁三峽夜怒搖星河  
九溟晝沸捲霹靂誰將江海一筆吞華陽入硯玄波翻  
靈鼇東轉坤軸動驚浪出沒蛟與龜毫端分寸千萬里  
人心之險亦如此老僧閱世如閱畫面壁凝然悟玄理  
嗟余老作汗漫遊寒光飛動六月秋迺知瞿唐在平陸



安得竹葉吹成舟

石門洞

臨溪雙石如層城中有洞天門不扃杖藜穿莎入微逕  
古藤絡樹春冥冥渴猿引子下飲澗山瓢我亦分清泠  
一重一掩翳復朗朱門金榜開珠庭衆峰環拱受約束  
何年神造驅五丁縹緲樓臺鐘磬寂薜荔紛披窗戶青  
黃冠羽服者誰子瓊臺坐閱南華經客來揖坐松下石  
呼茶味淪枸杞靈笑遣青衣道余步峰回路轉銀河傾

初看絕壁走雲霧，倏聽萬壑驅風霆。  
不知何代擘青峽，明珠萬斛皆龍腥。  
欲喚琴高借僊鯉，濛濛山雨吹孤亭。

謝翱

逃暑崇法寺

城南古寺涼生處，草色遙連孝子墓。  
棋局雨生苔蘚文，袈裟晴掛芭蕉樹。  
自昔閣黎修白業，曾公惟與舒王接。  
只今塵土影堂空，石上猶鐫麻紙帖。

種葵蒲萄下

茂葵花種蒲萄下年年葉長見花謝蒲萄漸密花漸遲  
開時及見蒲萄垂微風搖曳架上枝陰雲凝碧行琉璃  
天人下飲蒲萄露花神夜泣向天訴謝爾蒲萄數尺陰  
不如寸草同此心

汪元量

幽州除夜醉歌

燕姬壓酒春宵永列炬搖光拂紅影銀鴨香烘雲母屏  
綺窗繡閣流芳馨晚管聲含蘭氣嬌鳳釵拖頸烏雲飄

錦瑟無端促弦急  
纖娥斂翠翻成泣  
雕龍啁哳雞鳴早  
一笑紅顏鏡中老

山東飛放

天子出獵山之東  
臂鷹健卒豪且雄  
我欲從之出雲中  
坐看萬馬如遊龍

鄭思肖

雪中醉題

玄雲冥冥凝不飛  
朔雪灑灑晴還落  
水神恣意弄奇怪

宇宙一白陰風惡南州客子心飄飄狂發長歌破寂寥  
醉中瀏亮金石聲精神秀發意氣驕故人睨目嗔我怪  
撫掌大笑羣兒駭我家萬卷列中堂古人顛怪皆曾載  
須臾酒醒那得知索紙落筆蛟龍飛明曉火輪飛出海  
來看壁上新題詩

龔開

僕為虛谷先生作玉豹馬先生有詩見誚極筆  
勢之馳騁乃以此詩報謝

南山有雄豹隱霧成變化奇姿驚世人毛物亦增價天  
上房星范瑞光孕成白馬而墨章為誰容易來中國風  
雪天山道路長頭為王欲得方目為相欲得明脊為將  
軍欲得彊腹為城郭欲得張絕憐此馬皆具足十分肋  
中包腎腸嗟予老去有馬癖豈但障泥知愛惜千金市  
駿已無人禿筆松煤聊自得君侯昔如汗血駒名場萬  
馬曾先驅山林鐘鼎今何有歲晚江湖託著書白雲未  
信仙鄉遠黃髮鬢髮健有餘飲酒百川猶一吸吟詩何

嫌萬夫敵我持此馬歸安歸投之君侯如獻璧君侯作  
詩凜馳騫八方滿盈動雷雨豈知此馬知此意獨欠老  
奚通馬語曹將軍杜工部各有一心存萬古其傳非畫  
亦非詩要在我輩之襟期君侯君侯知不知

周密

題高彥敬夜山圖

郎潛暇日多冥搜夜深獨上千尺樓天回海立月政濕  
風起雲湧山疑浮縈青繚白互變滅浮嵐飛素寒颼颼

潛虬棲鵲聲磔磔山鬼木客鳴呦呦城中癡兒方嚙語  
有夢不到千山幽遙岑寸碧目力遠欲遡汗漫凌風游  
高侯落筆萬象泣寫出萬古蒼茫愁無聲詩與有聲畫  
一夕異事傳南州玉琴在膝酒在手欲寫天籟無莊周  
憑誰為問華表鶴城郭人民今是不

師嚴

蘭五見訪

漢陰美人青兕裘獨騎瘦馬尋荒丘花前下馬迎一笑



珠玉在側形骸羞酒酣散髮箕踞坐錦帶爛漫懸吳鉤  
斷蛟刺虎好身手碧瞳如水涵清秋惜哉科目大脫略  
壯士豈為章句囚中原格鬪困不已江波木落寒悠悠  
趙善璚

生朝觴客即席用韻

西風吹客浮仙槎萬斛詩香散幽遐瓊裾翠裳佩九霞  
賜我羔酒龍團茶剪錦飛落山人家黃絹幼婦無以加  
衰賤何足辱齒牙相看白髮羞黃花西山薇蕨東陵瓜

前村煙雨黃犢車共嚼秋芳咀春華茅齋飲盡鄰可賒

俞琰

春日口占十八韻呈仇宗道處士

柴門無事春日長輕風蕩漾舞綠楊幽人高枕眠方牀  
夢與蝴蝶俱飛揚稚兒踉蹌走中堂怪我晝寢牽我裳  
覺來西窗橫斜陽博山銷盡餘遺香老婢吹火燒銅鑪  
火熱湯沸號笙簧起呼茶盃澆枯腸茶雜菊味揚幽芳  
入口真如甘露漿颯然五臟俱清涼直疑身在雲水鄉

其樂無窮安可量詩成出遊古道旁塵埃散漫天茫茫  
呂同老

題高彥敬夜山圖

我昔絕江看吳山朝光正落山水間金波遠自海門入  
翠嵐高插扶桑殷安知瑤樓有夜景明月蒼茫墮清影  
李侯勝賞高侯筆展卷一時如夢醒

黃希旦

和賈鴻舉移竹

琳房珠館何虛寂  
寶砌無塵苔蘚碧  
仙翁倚檻靜吟哦  
却憶簷簷拂巖石  
勁節虛心守歲寒  
未嘗暫變風霜色  
移來迢遞不辭勞  
深根雅向瑤臺植  
漸成春意葉青青  
時惹天香煙幕幕  
月籠翠影尚蕭疎  
露被繁枝纔滴瀝  
迎風向夜擬龍吟  
結實他年期鳳食  
非才終約老煙霞  
此際謬當親採擇  
寄言紅紫莫相猜  
彼此無情蒙化力  
逢時剪拂任他人  
沉去葛陂都咫尺

觀申公山水

申公山水老更狂  
耿耿巨耳雙瞳方  
生涯秃筆數千管  
欲與造化爭毫芒  
長烟三素挂四壁  
經營指點何安詳  
凝神淨慮偶得意  
一洗混沌開玄黃  
須臾三才及萬類  
迤邐筆下分低昂  
水寒石秀老木怪  
蒹葭岸古天蒼蒼  
漁舟行客動不動  
閒者自閒忙者忙  
伊予本是山野叟  
對此直欲乘風翔  
咫尺杳然數萬里  
又疑跳入壺中藏  
可憐絕藝老更妙  
為君率爾成斯章

葛長庚

積翠樓

飛雲湧浪天邊來，翠色迷空撥不開。  
逸人憐此一崔嵬，峨輦危簷倚翠堆。  
客來樓前認林樾，坐久神爽愈飛越。  
移時雙鶴何處歸，遙見前山兩點雪。

題潛庵

已把功名等風絮，鶴氅星冠懶成趣。  
谷口人尋虎跡來，林間庵在猿啼處。  
好向青山白雲中，參取翠竹黃花句。  
道人珍重老維摩，明日千峰萬峰去。

浙江待潮

秋空無塵雁可數  
蘆花蓼花滿江渚  
夕陽影裏高掀蓬  
落葉聲中更鳴櫓  
六角扇起解熱風  
三杯酒為澆詩雨  
船頭拔劒叫風廉  
潮花捲雪魚龍舞

天開畫樓圖

層簷疊巘入蒼冥  
千山萬山相送迎  
晴雲一抹收未了  
溪尾更濯餘霞明  
化工朝暮費點染  
丹青變態隨深淺  
凭闌空展千里眼  
却愁此軸難舒卷

邦嵩

冷泉獨賞寄冲晦上人

南風掠波溪水滿山中幽人來洗浣獨立溪傍清興款  
更愛泉流芳草短平生幽討貴蕭散世道紛紜何足算  
人間五月夏雲煩相約歸來君莫緩

道潛

送王彥齡承務還河內

武陵王郎高韻度鞍馬四方無定住眼逢泉石便吟哦



咳唾珠璣不論數我亦悠悠事不羈浪萍風梗隨安之  
少室山前古蘭若邂逅便與同襟期興來岸幘一長嘯  
清聲激越穿雲嶠竹林故事猶未泯人物如君獨高調  
秋風獵獵促鳴蟬歸路千山入馬鞭白袍烏袖宜圖畫  
不羨襄陽孟浩然

淨端

答陸蒙老

枕上浮生過半百短髮參參霜樣白西溪河上舊家山

歲歲故鄉歸似客船頭漸近古松門云是吳筠讀書宅  
烟雲半嶺望層樓鰲頂崢嶸藥宮窄有人掛衲歸盤陀  
稜稜瘦骨真維摩幾年面壁舌不動忽然拍手賡漁歌  
秋來滿船載明月俄驚雨笠仍烟蓑黃梅渡口水流急  
五湖深處任風波

惠洪

送子美

曉痕翠浪行將遍掠面柔風初剪剪梅顫欺寒底死香

柳眼窺烟皺未展相看感此故意長欲別忍看春尚淺  
離情惱人深造次撩我小詩弄清婉腸斷江頭無語中  
謝郎匹馬嘶風遠

夏日西園

晚庭一霎過暑雨高林相應山蟬鳴南窗夢斷意索寞  
牀頭書卷空縱橫疏畦日涉已成趣起來扶杖園中行  
葵英豆莢小堪摘矮榆高柳陰初成野禽啄果時落地  
池塘益水新荷平歸來西屋斜陽在原舍尚聞春簫聲

浙竹

龍孫初長浙江曲疎影蕭蕭濯寒玉平生知愛足風流  
只有山陰王子猷而今流落蒼崖頂暗換年光鄉路永  
冰敲雪壓未應衰鸞鳳不棲空故枝堅幹猶堪製長笛  
最合宮商勝金石為君吹動鏡湖秋驚起雙龍翼小舟  
送季長之上都

十年不踏黃塵路老盡歸心餘一縷因同夜語想京華  
歸心百尺游絲舉前年別我楚山邊解鞍班草弄雲泉

今年送公古城北花發水流聞杜鵑眉間秀色照春晚  
青雲故人紛滿眼門前車馬氣如雲知誰倒屣迎王粲  
行看腕脫供十吏玉堂風景非人世萬乘叩扉宮月斜  
夢驚呼燭度窗紗

山市晴嵐

宿雨初收山氣重炊烟日影林光動蠶市漸休人已稀  
市橋官柳金絲弄隔溪誰家花滿畦滑唇黃鳥春風啼  
酒旗漠漠望可見知在柘岡村路西

洞庭秋月

橘香浦浦青黃出，維舟日暮柴荆側。  
湧波好月如佳人，矜誇似弄嬋娟色。  
夜深河漢正無雲，風高掠水白紛紛。  
五更何處吹畫角，披衣起看低金盆。

瀟湘夜雨

嶽麓軒窗方在目，雲生忽收圖畫軸。  
軟風為作白頭波，倒帆斷岸漁村宿。  
燈火荻叢營夜炊，波心應作出魚兒。  
絕憐清境平生事，蓬漏孤吟曉不知。

烟寺晚鐘

十年車馬黃塵路歲晚客心紛萬緒  
猛省一聲何處鐘  
寺在烟村最深處隔溪修竹露人家  
扁舟欲喚無人渡  
紫藤瘦倚背西風歸僧自入煙蘿去

如壁

送善權歸豫章

北斗以南好風土西山爽氣吞吳楚  
前輩風流固超絕  
後生法像仍奇古道久學祖師禪  
敗裙破衲今幾年

胸中秀氣磨未盡時出新詩皆可傳都城鼎鼎冠劒偉  
爭掃權門日中市道人香火辦寂寞有脚不踏公侯地  
古來賢俊能幾何只今零落亦已多一見道人氣象是  
蒲團斐几生春和我思伸眉向林莽未暇優游取卿相  
扁舟今日與君別明朝夢落江湖上

寄夏思道惠示緋帛

憶昔南方木葉下祝融逗留不退舍閭閻未簡卒歲材  
明月滿門自宜夜而今身在天中央日月寒暑遵故常



西風今日我為政冥冥塵沙何可當浮雲倚勢不解事  
濃陰數日釀秋思卧病但作仲卿泣載酒誰問子雲字  
故人千里知我寒書來遺我帛數端揀絲織作經緯稱  
長細廣幅尺度寬染人暴練勿設色衣被皎皎識君德

送趙廉訪

飛來之峰可圖寫畫工搖筆不敢下玲瓏八面尚能摩  
萬古冷泉那可畫趙公胸中有涇渭愛山自得山水意  
向來與客到峰前亭上酌泉賞泉味我客峰邊一節室

關門無事輒冬日公來剥啄自敲門暫解跣趺為公出  
池上煙光初過雨巖花膠轕開無數曳杖唯愁猿狖驚  
笑譚復恐蛟龍怒聞道公歸朝玉京王事不敢寬作程  
想公拜舞升天庭雍容奏議詳而明知公不獨稱安寧  
疏民利害通民情吾君憂民精且誠願公中和輔太平

青原臺詩

為錢大任  
宣教作

五馬胸中足丘壑駐車決遣有餘樂似言新廣青原臺  
不減滕王舊江閣滕王閣下當年路靜中懷抱時來去

聞說青原比像間表裏江山便知處使車時此攜佳賓  
與人同樂不同羣倚欄自得新詩句矯首常懷古道  
人青原親見曹溪祖渠有兒孫住山斧問公何處見青原  
杳杳飛鴻掠雲去

來書云此臺大略似滕王閣臺在廬陵望青原諸山青原即思禪師道場

### 次韻卿山主解嘲

道人竹瘦松栢剛飽更風雨慣雪霜堂堂自住一法界  
豈與蕭艾相短長利刀割水風吹光以空壞空竟誰傷  
君不見湖邊飛來兩白鷺終朝容與水雲鄉

祖可

秋懷

霜禽驚呼山麓音  
霜風急吹溪上林  
羲和攬轡不可緩  
夏后苦身驚寸陰  
橫河明明月皎皎  
遠山蒼蒼水深深  
哀鴻萬里遶雲陣  
遊子不眠中夜心

永頤

野棠花

野火回飈掩舊株  
新叢滿眼臨征途  
綠攢深棘欲自蔽

千朵萬朵爭敷腴新晴遠客過林坂烟漲吳船春泊晚  
冶豔空搖蕩子情繁香暗逐吳姬遠吳姬飄泊行人愁  
年年此花開不休半壓壞牆荒館外亂生春蕪野池頭  
人間買花貴紈綺一世爭知異朝市曲檻朱欄轉頭空  
野棠無主自成叢

祖心

感懷

風蕭蕭兮木葉飛鴻雁不來音信稀還鄉一曲無人吹

令余拍手空遲疑

日益

偶作

金谷春光長滿眼  
紅藥花梢香爛漫  
昨夜西風一陣寒  
徧地殘芳落何限  
王孫醉倒不知歸  
猶向欄邊索金盞  
魏夫人

虞美人草

鴻門玉斗紛如雪  
十萬降兵夜流血  
咸陽宮殿三月紅

霸業已隨灰燼滅剛強必死仁義王陰陵失道非天亡  
英雄本學萬人敵何用屑屑悲紅妝三軍散盡旌旗倒  
玉帳佳人坐中老香魂夜逐劍光飛青血化為原上草  
芳心寂寞倚寒枝舊曲聞來似斂眉哀怨徘徊愁不語  
恰如夜聽楚歌時滔滔逝水流今古漢楚興亡兩丘土  
當年遺事久成空慷慨尊前為誰舞

李清照

感懷詩

寒窗敗几無書史公路可憐合至此青州從事孔方君  
終日紛紛喜生事作詩謝絕聊閉門燕寢凝香有佳思  
靜中我乃見至交烏有先生子虛子

朱淑真

湖上詠月

清宵三五涼風發湖上閒吟步明月涓涓流水淺又清  
皎潔長空纖靄滅水光月色環相連可憐清景兩奇絕  
喜雨



赤日炎天燒八荒田中無雨苗半黃天公不放老龍懶  
掣電驅雷雲四方瓊瑰萬斛瀉碧落陂湖池沼皆泱泱  
高田低田盡沾澤農喜禾無枯槁傷我皇聖德布寰宇  
六月青天降甘雨四海咸蒙滂沛恩九州盡解焦熬苦  
傾盆勢歇塵點無衣袂生涼罷揮羽江上數峰天外青  
眼界增明快心腑炎熱一洗無留迹頓覺好風生雨腋  
紗厨湘簟爽氣新沉李削瓜浮玉液傍池占得秋意多  
尚餘珠點綴圓荷樓頭月上雲散盡遠水連天天接波

盼盼

惜春容

少年看花雙鬢綠走馬章臺管絃逐而今老更惜花深  
終日看花花不足坐中有女顏如玉為我一歌金縷曲  
歸時壓得帽簷欹頭上春風紅簌簌

紫姑

詠觴

寒嚴雪壓松枝折斑斑剥盡青紫血運斤巧匠斲削成

劍脊半開魚尾裂五湖仙子多奇致欲駕神舟探仙穴  
碧雲不動曉山橫數聲搖落江天月

御選宋詩卷三十四

謹案第一頁後八行觀漁刊本漁訛魚據方岳秋

崖小彙改





總校官庶吉士臣侍朝  
校對官檢討臣蕭九成  
騰錄舉人臣李駟

欽定四庫全書薈要

集部

御選宋詩卷三十五



詳校官原任主事

臣李斯咏



欽定四庫全書薈要卷一萬八千三百四十二

集部

御選宋詩卷三十五

五言律詩一

柳開

捲煙閣

古寺聳山椒  
公堂去不遙  
尋僧忘俗慮  
盤道出塵囂  
疎箔捲煙霧  
明眸望泐寥  
漁翁江上立  
指我在雲霄

徐鉉



送蒯員外東遊舊治

百歲猶強健知君即地仙  
孤飛下華表太息問桑田  
故吏今誰在高名昔共傳  
伊余亦遺老相送一潸然

送王監丞之歷陽

歎息曾遊處江邊故郡城  
青襟空皓首往事似前生  
綠綬君重綰華簪我尚榮  
年衰俱近道莫話別離情

送高先輩南歸

鄉國悲前事風光屬後生  
名從天上得身入故都行  
草

色初裁綬鵬飛不算程自憐枯朽思相送剩含情

舒雅

答劉學士

往歲別京畿棲山與衆違君心似松柏鴈足寄珠璣學  
道情雖篤燒丹力尚微雲中雞犬在祇候主人歸

寇準

應制賞花釣魚

龍禁含佳氣鑿輿下建章碧波微蕩漾紅萼競芬芳玉

竿春醪滿金壺晝漏長逢時空竊抃萬寓正懽康

春日登樓懷歸

高樓聊引望杳杳一川平野水無人渡孤舟盡日橫荒  
邨生斷靄古寺語流鶯舊業通清渭沉思忽自驚

秋日原上

蕭蕭古原上景物感離腸遠嶠收殘雨寒林帶夕陽溪  
聲迷竹韻野色混秋光吟罷還西望平沙起鴈行

秦中感懷寄江外知己

念子隔江海皓然時已秋蟬鳴關外樹人在水邊樓髮  
白猶搜句時清尚旅遊遙思當永夜不寐向孤舟

水邨即事

虛齋臨遠水吟釣度朝晡葦岸秋聲合莎亭鶴影孤片  
雲藏疊巘野燒起寒蕪獨步時凝望離人隔五湖

暮秋感興

冉冉前期遠窮途一可傷有時聞落葉不語立殘陽塞  
草秋先白溪沙晚更光那堪望天末燕鴈又成行

秋訪江上友生所居

苔石半寥落坐來生遠愁故人應罷酌寒葉自驚秋邨  
隔平沙暝江和暮靄流徘徊不能去此處有扁舟

湖上作

極目望南浦望中生遠思鴈沉芳草渡燒斷夕陽陂歲  
月寒萍梗江山念別離淚餘清夜夢暫與白雲期

月夜懷故人

清夜月初滿蘚庭吟更幽梧桐疎影老蟋蟀亂聲秋舊

國情何極空江思欲流故人今底處危坐獨凝愁

雨夜書事

離人聽積雨滴滴動鄉心故國程猶遠重門夜正深氣  
昏濛燼燭巢冷語棲禽遙想江南岸餘花委故林

題巴東寺

寺在猿啼外門開古澗涯山深微有徑樹老半無枝望  
遠雲長暝談空日易移恐朝金馬去還失白蓮期

楚江感懷

西風生遠水蕭颯度吟臺明月夜還滿故人秋未來寒  
蛩啼暗壁敗葉下蒼苔誰念空江外年年首重回

夜泊江上

歲暮峽中邨維舟古樹根羣峰初落月後夜獨聞猿流  
水自無盡客愁那可論平明離楚岸迢遞指吳門

南亭

初夜南亭望清吟露濕衣雨餘羣籟發天淡數星稀秋  
氣又還至故園猶未歸虛堂愁重入燭白冷光微



荆南秋望

西風吹戶牖，獨自客荆蠻。  
積水浮秋漢，微陽淡遠山。  
蟬稀疎葉盡，雨歇片雲間。  
何日忘簪紱，深居石室間。

再歸秦川

阮路何方盡，西歸興未勞。  
河流經陝狹，山色入秦高。  
返照明秋壘，孤邨接暮濤。  
還如丁令至，故里滿蓬蒿。

東歸再經峽中

復命經三峽，波瀾極目愁。  
片雲生斷壁，孤石礙中流。  
道

路連巴塞風煙接楚丘重來登望處因念昔年遊

李維

霜月

銀牀葉暗飄霜月夜迢迢寒極犀難辟憂多酒漫消  
荀爐殘更換湘瑟罷仍調誰道河流淺盈盈萬里遙

張詠

縣齋秋夕

才薄難勝任空銷懶惰情公堂羣吏散苔地亂蛩聲隔

歲鄉書絕新寒酒病生方今聖明代不敢話辭榮

寄傅逸人

鷗鷺憐疎野朝昏繞戶飛有誰知此意獨立對斜暉落  
葉堆荒逕澄泉照白衣聖君方急善應好下漁磯

郡齋書情寄仙遊張及

老去慵仍甚榮名舊日疎又因經歲病不答故人書閉  
閣僧歸後看山吏散初何因論心跡之子最相於

訪人不遇

舊逕莓苔合兒童獨閉門踏霜歸遠店涼月照空樽鴈  
響蒹葭浦風驚橘柚邨知音在何處凝寂欲銷魂

鄭文寶

送枝江秦長官罷秩

衆論才名外親人似古人官嫌容易達家愛等閒貧解  
印詩權在移風澤國春政聲交不得慙見數鄉民

送曹緯劉鼎二秀才

旦夕春風老離心共黯然小舟聞笛夜微雨養花天手

筆人皆有曹劉世所賢  
柳侯重才子從此看鶯遷

王禹偁

書懷

釋褐來成武初官且自強  
位卑松在澗俸薄葉經霜  
雨菌生書案飢禽啄印牀  
猶驚寫秋卷槐砌落花黃

寄寧陵陳長官

吏隱寧陵縣琴堂枕古河  
家山隔江遠風雨過船多  
假日親尋藥公庭自種莎  
相逢如舊識執手動勞歌

中秋月

何處見清輝登樓正午時  
莫辭終夕看動是隔年期  
冷濕流螢草光凝睡鶴枝  
不禁雞唱曉輕別下天涯

硤石縣旅舍

霜乾紅葉飛遷客思淒淒  
處險人垂瘳登山馬跼蹄  
籬荒蜚韻苦雲凍鴈行低  
此夕應無寐何煩報曉雞

歲暮感懷貽馮同年中允

謫宦商於郡閒門車馬稀  
塵侵書命筆香散入朝衣  
燒

盡峰巒出霜清木葉飛夜來天欲雪寒夢不成歸

五更睡

數載直承明寵深還若驚趨朝雞喚起殘夢馬馱行左  
宦離雙闕高眠盡五更如將閒比貴此味敵公卿

秋居幽興

秋光雖寂淡幽興入詩家籬暗蛩啼菊園荒蟻上茄圍  
棊知日影理髮見霜華向曉兒童喜溪僧貽晚瓜

寧公新拜首座因贈

著書新奏御

上詔承旨蘇公道士韓德純與公集三教聖賢事迹各五十卷故有首座之命

優

詔及禪扉首座名雖貴家山老未歸  
磬聲寒遶枕塔影靜侵衣  
終憶西湖上秋風白鳥飛

送閣門秦舍人

郡印我未解輕軒君不留  
相逢那幾日此別又經秋  
山雪晴猶在河澌暖不收  
內廷連上閣早晚共優游

寒食

寒食江都郡青旗賣楚醪  
樓臺藏綠柳籬落露紅桃  
妓



女穿輕屐笙歌泛小舫使君慵不出愁坐讀離騷

青猿

小僕如猿狖貧家備指呼未堪隨馬足已慣典魚須時  
洗塵侵硯閒收雨滴圖歸田如有計留負酒胡盧

羅處約

題太湖

三萬六千頃湖侵海內田逢山方得地見月始知天南  
國吞將盡東暝勢欲連何當灑為雨無處不豐年

曾致堯

東林寺

江南楊柳春日暖地無塵渡口驚新雨夜來生白蘋晴  
沙鳴乳鴈芳草醉遊人向晚前山路誰家賽水神

趙湘

答徐本

天遠草離離秋霖寄信遲相思逢葉盡獨坐聽蟬悲岳  
色寒前見松心雪後知頻招猶未至時復檢清辭

秋夜集李式西齋

澤國秋光澹詩家夜會清  
雨餘逢月色風靜得琴聲  
小徑幽蟲絕寒階落葉并  
嘗茶不擬睡自起繞池行

贈水墨巖山人

講餘題小筆深院竹脩脩  
試墨應磨歲思山忽寫秋  
靜曾窮鶴趣高亦近詩流  
更擬緣清思和雲狀沃洲

王操

喜故人至

地僻無賓侶柴門晝始開溪山寒葉落江國故人來話  
舊驚雙鬢論詩滯酒杯相留喜同宿不寐曙光迴

送人南歸

相送當搖落孤舟泛渺瀰去帆看已遠臨水立多時別  
浦寒鴻下空山夜鶴移他年重會面冷鬢共成絲

邨家

野景邨家好柴籬夾樹身牧童眠向日山犬吠隨人地  
僻鄉音別年豐酒味醇風光吟有興桑麥暖逢春

并州道中

從軍無住計，近臘塞門行。  
風劈面疑裂，凍粘髭有聲。  
太陽過午暗，暮雪照人明。  
馬上聞吹角，依依認漢城。

楊億

禁中庭樹

直榦依金闥，繁陰覆綺楹。  
纍珠晨露重，嚙管夜蟬清。  
霜桂丹丘路，星榆北斗城。  
歲寒徒自許，蜀柳笑孤貞。

霜月

月夕露為霜心知厭獨房吟殘猶擁鼻望極自迴腸鬢  
減前秋綠衣銷外國香星津誰待報織素未成章

偶懷

銀礫飛晴霰蘭英湛凍醪年光侵葆髮春恨寄雲袍燕  
重銜泥遠鴻驚避弋高平生林壑志誤佩呂虔刀

直夜

月魄生宵暈風烏送晚涼飛蠅隨鏤管浮蟻溢清觴負  
郭春耕廢釣天曉夢長玉籤聲未斷落宿半宮牆

秋夕池上

蓮塘帶弋林清吹滌煩襟泉咽猶鳴玉臺傾舊築金僵  
桃蟲自蠹怪石蘚交侵此夜悲秋客煙蛩亦伴吟

劉筠

直夜

瓊蘂滋晨飲青縑擁夜衾萬年宮省樹五色帝家禽詔  
草裁藤角薰爐燼水沉浴堂還獨對鳴佩有清音

霜月

霜曉月仍殘  
桐疎鳳更單  
已傷春寂寂  
還踏夜漫漫  
凍  
仙槎路薰餘  
侍史蘭那知  
荀奉倩體薄  
不勝寒

錢惟演

禁中庭樹

紫闥分陰地  
丹條擢秀時  
高枝接溫樹  
密葉覆辛夷  
夜  
影瑤光接晨  
英玉露滋  
乘春好封殖  
為賦角弓詩

槿花

綺霞初結處  
珠露未晞時  
寶樹寧三尺  
華燈更九枝  
亭



亭方自喜黯黯却成悲欲作非煙散猶憐返照遲

夕陽

遠色連高樹迴光射迴樓自翻歸鴈影更急思蟲愁煙  
暝長先隔霞烘久未收華燈知可繼惟照洞房幽

秋夕池上

珪月上金塘煙容帶水光朱華接蘭坂綠荇溢魚防叢  
暗禽棲密松疎露下涼秋懷已潘鬢無奈更啼螢

錢惟濟

夜讌

清讌夜何其南亭露欲晞  
踰躑霞袖舉潋灩羽觴飛  
鏤渠搖花藻金鐙照月輝  
瑤光未西落休賦醉言歸

燕肅

僻居

茅齋塵市遠草徑接魚邨  
白日偶無客青山長對門  
藥爐留火煖花塢帶煙昏  
靜坐搜新句冥心傍酒尊

郎簡

訪徐沖晦

湖上訪高士，徑深行綠苔。  
應聞山犬吠，知是野人來。  
岸帙出相接，柴門自為開。  
林間清話久，薄暮傍舟回。

石延年

瀑布

飛勢挂岳頂，無時向此傾。  
玉虹垂地色，銀漢落天聲。  
萬丈寒雲濕，千巖暑氣清。  
滄浪不足羨，就此濯塵纓。

詠燈

迴鱗拖絳蒂倒鳳吐丹榮水定寒生暈風疎動有聲燼  
垂金藕細影透玉河清斗帳依東壁誰人夢不成

穆脩

和毛秀才江墅幽居好十首

錄一首

江墅幽居好溪山數里長徑通茶塢綠門枕橘園香藉  
石還勝榻聽松不讓篁閒遊驚里巷自作隱淪裝

潘閬

落葉

片片落復落園林漸向空幾番經夜雨一半是秋風靜  
擁莎階下閒堆蘇徑中谷松與巖檜寧與此時同

秋日題瑯琊山寺

巖下多幽景且無塵事喧鐘聲晴徹郭山色曉當門深  
洞藏泉脈懸崖露樹根更期來此宿絕頂聽寒猿

种放

酬陳齋民見寄

竹扉常晝掩幽僻置身安自委漁樵分因思出處難周

庭方設燎漢將尚封壇莫問煙霞意人寰事萬端

魏野

秋日懷王專

菊花原上立邨落雨晴初曉吹清羣物秋光澹太虛空  
看新鴈字不得故人書猶賴華亭鶴林間伴索居

閒居書事

無才動聖君養拙住山邨臨事知閒貴澄心覺道尊成  
家書滿屋添口鶴生孫仍喜多時雨經春免灌園

題崇勝院河亭

陝郡衙中寺亭臨翠靄間數聲離岸櫓幾點別州山野  
客猶思住江鷗亦忘還隔牆歌舞地喧靜不相關

送任乘南歸

歸覲江山遠如何敘別離數杯邨店酒一首野人詩趣  
渡憐舟穩貪程恨馬羸遙思到家日已過落花時

暮秋閒望

水閣閒登望郊原欲刈禾壞簷巢燕少積雨病蟬多砧

隔寒溪擣鐘隨晚吹過扁舟何日去江上負煙蓑

送蕭咨下第西歸

驢瘦懶加鞭遲遲念獨還聽雞行曉月喚雉過春山渭  
入黃河濁雲歸紫閣閒明年公道在莫便掩松關

啄木鳥

亂繞園林啄終朝意若何莫因飢不足翻愛蠹偏多渴  
映鄰溪下驚從別樹過辛勤詠還囑無損好枝柯

林逋



湖樓晚望

湖水混空碧憑闌凝睇勞夕寒山翠重秋淨鴈行高遠  
意極千里浮生輕一毫叢林數未徧杳靄隔魚舠

上湖閒泛艤舟石函因過下湖小墅

平臯望不極雲樹遠依依及向扁舟泊還尋下瀨歸青  
山連石埭春水入柴扉多謝提壺鳥留人到落暉

西湖舟中值雪

浩蕩彌空闊霏霏接水濱舟移忽自却山近未全分凍

軫閒清泛溫鑪擁薄薰悠然詠招隱何許款離羣

湖邨晚興

滄洲白鳥飛山影落晴暉映竹犬初吠弄船人各歸水  
波隨月動林翠帶煙微寺近疎鐘起蕭然還掩扉

湖山小隱三首

錄一首

園井夾蕭森紅芳墮翠陰晝巖松鼠靜春塹竹雞深歲  
課非無秫家藏獨有琴顏原遺事在千古壯閒心

小隱自題

竹樹遶吾廬清深趣有餘鶴閒臨水久蜂懶得花疎酒  
病妨開卷春陰入荷鋤嘗憐古圖畫多半寫樵漁

北山寫望

晚來山北景圖畫亦應非邨路飄黃葉人家濕翠微樵  
當雲外見僧向水邊歸一曲誰橫笛蒹葭白鳥飛

中峰

中峰一徑分盤折上幽雲夕照前邨見秋濤隔嶺聞長  
松含古翠衰藥動微薰自愛蘇門嘯懷賢事不羣

小圃春日

岸幘倚微風，柴籬春色中。  
草長團粉蝶，林煖墜青蟲。  
載酒為誰子，移花獨乃翁。  
於陵偕隱事，清尚未相同。

山中冬日

殘雪照籬落，空山無俗喧。  
雞寒懶下樹，人晏獨開門。  
廢圃春榮動，回塘霧氣昏。  
誰家歲酒熟，輟棹憶西邨。

留題李頡林亭

無琴枕鶴經，盡日卧林亭。  
啼鳥自相語，幽人誰欲聽。  
半

闌花籍白一徑草盤青何必對尊酒此中堪獨醒

臺城寺水亭

金井前朝事林僧問不知綠苔欺破閣白鳥占閒池清  
楚曾經晉荒唐直到隋南廊一聲磬斜照獨凝思

和梅聖俞雪中同虛白上人來訪

湖上翫佳雪相將惟道林蚤煙邨意遠春漲岸痕深地  
僻過三徑人間試五禽歸橈有餘興寧復比山陰

和朱仲方送然社師無為還歷陽

歸客過東關行行一錫閒  
破林霜後月孤寺水邊山頂  
笠衝殘葉腰裝歇暮灣  
香燈舊吟社清思逐師還

送史殿省典封州

馬援疏蠻邑銅標何可窮  
人煙時亦有海色自如空  
髭髮梅分白旌旗瘴減紅  
惟應時藥罷埋照酒醪中

送思齊上人之宣城

林嶺藹春暉程程入翠微  
泉聲落坐石花氣上行衣  
詩正情懷淡禪高語論稀  
蕭閒水西寺駐錫莫忘歸

洞霄宮

大滌山相向華陽路暗通風霜唐碣久草木漢祠空  
石苔花碧丹池水氣紅幽人天柱側茅屋灑松風

淮甸城居寄任刺史

擾擾非吾事深居斷俗情石莎無雨瘦秋竹共蟬清  
在慵閒拂詩難憶細評寥然獨堵枕淮月上山城

宿洞霄宮

秋山不可畫秋思亦無垠碧澗流紅葉青林點白雲涼

陰一鳥下落日亂蟬分此夜芭蕉雨何人枕上聞

曹汝弼

贈披雲峰岳長老

禪外掩松扃閒眠度歲陰  
雨侵香篆濕苔長屐痕深水  
在銅瓶冷雲歸玉磬沉前山  
有靈藥時策杖藜尋

喜友人過隱居

忽向初春候閒過隱士家  
旋收松上雪來煮雨前茶禽  
換新歌曲梅妝隔歲花應慚  
非遁者難久在煙霞



魯交

江樓晴望

江干一雨收霽色染新愁  
遠水碧千里夕陽紅半樓  
笛寒漁浦晚山翠海門秋  
更待牛津月袁宏欲泛舟

遊華山張超谷

太華鎖深谷我來真景分  
有苗皆是藥無石不生雲  
急瀑和煙瀉清猿帶雨聞  
幽棲未忍別峰半日將曛

大雪

萬象曉一色皓然天地中  
楚山雲母障漢殿水晶宮  
遠近梅花信高低柳絮風  
吟魂清不徹和月上晴空

唐異

塞上作

防秋人不到萬里絕妖氛  
馬放降來地鵬閒戰後雲  
月依孤壘沒燒逐遠荒分  
未省為邊客宵茄懶欲聞

閒居書事

幽居經宿雨屐齒徧林塘  
一境無過客千山自夕陽  
晝

禽多獨語夏木有餘涼  
招隱詩慵寄時清誰肯忘

宋庠

馬上見梅花初發

瞥見江南樹繁英  
照苑牆無雙春外色  
第一臘前香雲葉  
遙驚目瓊枝昔斷腸  
莫吹羌塢笛容易損孤芳

宋祁

長安道中悵然作

三輔古風煙征驂悵未前  
山園蓬顆外宮室黍離邊  
樹

老經唐日碑殘刻漢年便須真隕涕不待雍門絃

答勸農李淵宗嘉州江行見寄

嘉月嘉州路軻我接部船山圍杜宇國江入夜郎天霧  
引溪流望涼供水閣眠愧君舟楫意遂欲濟長川

春晏宴北園

天意歇餘芳人間日始長落花風觀閣睡鴨雨池塘稍  
倦持螯手猶殘藍尾觴春歸無所預羈客自回腸

再遊海雲寺作

十里雲邊寺重驅千騎來天形歆野盡江勢讓山回園  
柰濃成幄樓鐘近殷雷斜陽歸鞅促飛蓋冒輕埃

渡湘江

一作張公祁

春過瀟湘渡真觀八景圖雲藏岳麓寺江入洞庭湖晴  
日花爭發豐年酒易沽長沙十萬戶遊女似京都

城隅晚意

寥寥天意晚稍覺井間閒水落呈全嶼雲生失半山牛  
羊樵路暗燈火客舟還暝思輸鳧鵠歸飛沆瀣間

贈清逸魏閒處士

奕世依巖石褒恩下帝廷姓名高士傳父子少微星池  
溜遙通澗家林近帶坳分明詔書意天極賜鴻冥

僑居

公宇靜寥寥居然俗意銷履閒誰記齒帶適自忘腰畝  
首秋殘穫城西日暮樵比來行樂慣隨意度溪橋

集江瀆池

五月追涼地滄江剩素漣林煙昏岸日樓影壓池天篠

密工迷徑荷歌巧避船機忘更何事魚鳥亦留連  
飛檻枕溪光歡言客徧觴暫雲銷樹影驟雨發荷香  
辛  
白橙蘂熟庖刀鱠縷長蘋風如有意盈社借浮涼

將歸

遠假西南守三逢梅柳新衰令宦情薄老惜歲華頻  
那  
釀供銷日已禽巧喚春離家何所恨鴈後作歸人

呂夷簡

江南立春日

灰律何時應江春昨夜來細風先動柳殘雪不藏梅餘  
冷迷清管微和發凍醅閉門無客到樽俎為誰開

陳堯佐

昭慶寺

湖邊山影裏靜境與僧分一榻坐臨水片心閒對雲樹  
寒時落葉鷗散忽成羣莫問紅塵事林間肯暫聞

韓琦

次韻酬子淵學士燈夕不出聞諸公繼有遊賞



繁聲沉夕籟香燭競春葩玉射樓前雪雷驚陌上車月  
閒花院掩風軟酒帘斜莫駐城南騎遊人自有家

離都

握節背都門春天景半溫柔鞭難駐馬芳草易銷魂遠  
目和煙重離懷助酒昏好花無奈野時復映遙邨

初雨

乍覺塵香動風前細若縑無聲猶似雪得潤已如膏美  
利存南畝餘滋付小桃誰知青皞德意不為嬉遨

春晴

霽色破春昏  
高樓日未曛  
林梢零舊雨  
山頂入殘雲  
醉粉勻花頰  
風羅皺水紋  
踏青人誤約  
芳思幾紛紛

雪

六花來應臘  
望雪一開顏  
歌舞喧侯第  
風沙雜戍關  
餘芳留草樹  
清興入江山  
後夜高樓月  
蕭然崑閬間

郡圃初夏

池館何無賴  
青春幾日回  
酒隨花謝減  
心為水涼開  
幽

鳥閒鳴和清風自往來峰巒新在目天與白雲裁

過故關

春入并州路羣芳夾故關前驕驅弩過別境荷戈還古  
戍餘荒堞新耕入亂山時平民自適白首樂農閒

山行

山路何曾倦官程幸不賒片雲無定雨香草逐時花暑  
序秋天氣農居古室家鄉闕勤一望峰翠列高牙

長安府舍十詠

錄三首

北塘

臺榭生涼處，齋淪瞰北塘。  
松筠成夏蔭，蓮芰入秋香。  
疎雨交寒暈，輕雲襯曉光。  
無心投釣餌，遊鯉莫驚藏。

月臺

待月西臺早，移時凭曲欄。  
雲端開玉葉，海內起金盤。  
燕席通宵雅，涼波入座寒。  
香風來不斷，清露裛紅蘭。

山樓

西北高樓上，南山日面欄。  
勢籠秦地勝，陰落渭波寒。  
帶

雨新屏濕穿雲古道難仙局如可道便擬挂朝冠

范仲淹

野色

非煙亦非霧幕幕映樓臺白鳥忽點破夕陽還照開  
青隨芳草歇疑逐遠帆來誰會山公意登高醉始迴

八月十四夜月

光華豈不盛賞宴尚遲遲天意將圓夜人心待滿時  
已知千里共猶訝一分虧來夕如澄霽清風不負期

赴桐廬郡淮上遇風

聖宋非強楚，清淮異汨羅。  
平生仗忠信，盡室任風波。  
舟楫顛危日，蛟龍出沒多。  
斜陽幸無事，沽酒聽漁歌。

江干閒望

江干日清曠，寓目一撻筇。  
落葉信流水，歸雲識舊峰。  
蘭蓀誰共採，鳬雁自相從。  
莫愛蘋風起，波來千萬重。

洞庭山

吳山無此秀，乘暇一遊之。  
萬頃湖光裏，千家橘熟時。  
平

看月上早遠覺鳥歸遲近古誰真賞白雲應得知

過餘杭白塔寺

登臨江上寺遷客獨依依遠水欲無際孤舟曾未歸亂  
峰藏好處幽鷺得閒飛多少天真趣遙心結翠微

送向綜國博通判桂州

通籍三公後監州五嶺深欲知明主意將慰遠人心歲  
計多藏藥舟行不廢琴歸書清白最寧問橐中金

芝山寺

樓殿冠崔嵬靈芝安在哉雲飛過江去花落入城來得  
食鴉朝聚聞經虎夜回偶臨西閣望五老夕陽開

昇上人碧雲軒

愛此詩家好幽軒絕世紛澄宵半牀月淡曉數峰雲遠  
意經年就微吟並舍聞只應空靜處所得是蘭芬

文彥博

古寺清秋日

古寺清秋日含毫凭小樓雨微滋石蘚煙淡落霜楸紫



燕休巢幕蒼鷹已下韝閒傾浮蟻耐時典鷓鴣裘

雨後遊華巖川馬上作

雨後城南路無泥未有塵因觀曲江樹更憶杏園春草  
色遙侵水山光翠逼人劬農兼訪古攬轡緩朱輪

登廣化閣

寶刹層峰上危欄淨界中登臨近霄漢子細見伊嵩火  
迴傳清楚川長沒遠鴻黃昏不忍去月在石樓東

田況

二十八日謁生綠祠遊淨衆寺

千騎出重闔嚴祠淨宇鄰映林沽酒旆迎馬獻花人艷  
日披紅霧香颺起路塵韶華特明媚不似遠方春

余靖

留題澄虛亭

湖光湛寒碧簾影拂莓苔魚戲因同樂鷗閒亦自來雨  
餘輕靄合竹外雜花開久欲留詩去慚無綺靡才

桂源早行

聞雞已行邁策馬更徘徊  
月色依山盡秋聲帶雨來自  
堪悲玉璞誰復築金臺  
薄宦空羈束西齋長綠苔

### 山館

野館蕭條晚憑軒對竹扉  
樹藏秋色老禽帶夕陽歸  
遠岫穿雲翠畝田得雨肥  
淵明誰送酒殘菊遶牆飛

### 晚至松門僧舍懷寄李太祝

日暮倦行役解鞍初息肩  
霧昏臨水寺風勁欲霜天  
蓼浦初聞鴈人家半在船  
思君正怊悵黃葉更翩翩

遊水南寺

雙刹聳浮雲，層軒絕世塵。  
松溪千蓋雨，茶圃一旗春。  
夜梵龕燈暗，朝香篆火新。  
暫來猶永日，堪羨白蓮人。

題劉太博棲心亭

宏構小侯第，避權長掩關。  
地分金穴貴，人共白雲閒。  
野色春牆外，池香暮雨間。  
燕申忘萬慮，吏隱敵箕山。

雙松

自古詠連理，多為陽艷吟。  
誰知抱高節，生處亦同心。  
風

至應交響禽棲得並陰歲寒當共守霜雪莫相侵

蔣堂

贈陳君子虞卿

寵秩拜春坊歸休識慮長掃門卑魏勃設醴謝元王  
一水蓴鱸國羣山橘柚鄉喜君添老社煙駕尚徜徉

趙抃

暖風

薄袂歌雲散輕盤舞袖低簾疎蕩樓閣塵暗逐輪蹄絮

亂垂楊道香流種藥畦春窗惱閒思一枕杜鵑啼

芳草

翠密馴文雉叢深隱畫輪離披金谷曉寂寞茂陵春古  
渡班荆客長堤走馬人芊芊似袍綠一雨一番新

曲館

日華烘玉甃煙縷亘雕甍棗熟房櫳暝花妍院落明醉  
輕春有味夢短晝無情欲識惜惜意回文織已成

題九仙寺

墜果春三徑蒸雲晚一軒廊腰迴戰蟻山腹合啼猿泉  
淡禽窺影苔深屐印痕自慚名利者聊免世紛喧

張方平

送楊君西安

君過嚴陵瀨扁舟入婺溪灘長秋日短山亂暮雲齊未  
探驪龍頷聊羈駿馬蹄胥江濤正惡鴻鴈此東西

君之  
昆子

莊學士赴四  
明侔同行

玉泉觀贈高道士

古屋氣象冷蒼崖煙翠中龍歸半天雨虎嘯一巖風露  
後芝房紫霜餘柏實紅終期把藜杖來伴白雲翁

寄汾陽郭先生

君家白雲外巖溜響嘈嘈絕壑風煙淡孤峰冰雪高自  
能無世累誰見有生勞指我蓬壺路瓊宮隔海濤

都下別友人

海內故人少市樓新酒醇與君聊一醉分袂此殘春北  
道邢臺路東洲泗水濱相期復何處京洛舊風塵



寄郭誠思華下茅齋

舍在世塵外松扉夜不關心同秋水靜身共野雲閒自得逾三樂誰堪話九還他年玉泉約何以救衰顏

初春遊太尉宅東池

蓬島靈仙宅星河帝女家波光泛金翠樓影動雲霞清淺遊魚過參差垂柳斜移舟更尋勝遠見小桃花

暮秋登彭祖樓

危樓古城角山色遶蒼蒼寒日下何速清風來甚長煙

塵思戰國雲水似江鄉重九登高近堦前菊已香

秦州後園春讌贈部署劉几閣使

柳暗三眠因花繁二月香

秦州後園有二月花開最情  
早繁艷甚盛絕有清香

懷當酒盡興味為春長疊鼓漁陽節清謳北里妝階前  
樂無誤席上有周郎

江樓遲客

靜外遊神迴望中塵物稀天連遠水盡鳥背夕陽飛木  
葉初搖落鄉懷動式微興闌不忍去遲子一舸歸

夜意

羣動已沉響蛩吟時一聲露寒仙掌重月午庾樓清懷  
慨聞雞舞悲涼感笛情幾多塵役者夙駕待鐘行

歐陽修

送王汲宰藍田

喧喧動車馬共出古都門落日催行客東風吹酒罇樹  
搖秦甸綠花入輞川繁若遇西來旅時應問故園

徽安門曉望

都門收宿霧佳氣鬱蔥蔥曉日寒川上青山白霧中樓  
臺萬瓦合車馬九衢通恨乏登高賦徒知京邑雄

送孟都官知蜀州

名郎出粉闥佳郡古關西幾驛秦亭盡千山蜀鳥啼朱  
輪照霽野綠茅覆秋畦向闕應東望雲深隴樹迷

南征回京至界上驛先呈城中諸友

朝雲來少室日暮向箕山本以無心出寧隨倦客還春  
歸伊水綠花晚洛橋閒誰有餘樽酒相期一解顏

秋郊曉行

寒郊桑柘稀秋色曉依依  
野燒侵河斷山鴉向日飛行  
歌采樵去荷鋤刈田歸  
秫酒家家熟相邀白竹扉

雨後獨行洛北

北闕望南山明嵐雜紫煙  
歸雲向松嶺殘雨過伊川樹  
繞芳隄外橋橫落照前  
依依半荒苑行處獨鳴蟬

緱氏縣作

亭侯徹郊畿人家嶺坂西  
青山臨古縣綠竹繞寒溪  
道

上行收穗桑間晚既畦東臯有深趣便擬卜幽棲

又行次作

秋色滿郊原人行禾黍間雉飛橫斷澗燒轡入空山野  
水蒼煙起平林夕鳥還嵩嵐久不見寒碧更孱顏

送梅秀才歸宣城

從學方年少還家罄橐金久為江北客能作洛生吟罷  
亞霜前稻鉤輶竹上禽歸帆何處落應拂野梅林

張主簿東齋

官舍掩寒扉聊同隱者棲溪流穿竹過山鳥入城啼賓  
至高談勝心冥外物齊惟應朝枕夢長厭隔鄰雞

罷官西京回寄河南張主簿

歸客下三川孤郵暫解鞍鳥聲催暮急山氣欲晴寒已  
作愁霖詠猶懷祖帳歡更聞溪溜響疑是石樓灘

離彭婆值雨投臨汝驛回寄張九屯田司錄

投館野花邊羸驂晚不前山橋斷行路溪雨漲春田樹  
冷無棲鳥邨深起暮煙洛陽山已盡休更望伊川

龍溪

潺潺出亂峰演漾綠蘿風  
淺瀨寒難涉危槎路不通  
朝雲起潭側飛雨徧江中  
更欲尋源去山深不可窮

勞停驛

孤舟轉山曲豁爾見平川  
樹杪帆初落峰頭月正圓  
荒煙幾家聚瘦野一刀田  
行客愁明發驚灘鳥道前

秋懷

節物豈不好秋懷何黯然  
西風酒旗寺細雨菊花天  
感



事悲雙鬢包羞食萬錢  
鹿車何日駕歸去潁東田

夕照

夕照留歌扇餘輝上桂叢  
霞光晴散錦雨氣晚成虹  
燕下翻池草烏驚傍井桐  
無慘照湘水丹色映秋風

夜意

蕙炷爐薰斷蘭膏燭豔前  
夜風多起籟晚月漸虧弦  
鵲去星低漢烏啼樹暝煙  
唯應牆外柳三起復三眠

春曉

小閣回殘夢，開簾轉曉暉。露寒風不定，花落鳥驚飛。病渴偏思蔗，朝寒怯解衣。沈錢將謝雪，持底送春歸。

叢翠亭

柳色滿重城，宮宮出翠甍。春雲依檻暖，夕照落山明。走馬章街曉，翻鴻洛浦晴。清尊但留客，桴鼓畫無驚。

送王公慥判官

久客倦京國，言歸歲已冬。獨過伊水渡，猶聽洛城鐘。山色經寒綠，雲陰入暮重。蠟梅孤館路，疲馬有誰逢。

伊川獨遊

綠樹遶伊川，人行亂石間。  
寒雲依晚日，白馬向青山。  
路轉香林出，僧歸野渡閒。  
巖阿誰可訪，興盡復空還。

題淨慈大師禪齋

景德寺  
普光院

中屢諸方徧，莓苔一室前。  
萎花吟次落，孤月定中圓。  
齋鉢鄰人施，談機海外傳。  
時應暮鐘響，來度禁城煙。

蘇舜欽

靜勝堂夏日呈王尉

虛堂吏事稀吟卧欲忘機窗靜蜂迷出簾輕燕誤飛煩  
心傾晚簟倦體快風衣更想霜雲外同君看翠微

春日晚晴

人言春雨好更好晚來晴樹色通簾翠煙姿著物明得  
泥初燕喜避弋去鴻輕誰見危欄外斜陽盡眼平

獨遊輞川

行穿翠靄中絕澗落疎鐘數里踏亂石一川環碧峰暗  
林麋養角當路虎留蹤隱逸何曾見孤吟對古松

送王揚庭著作宰巫山

蘭臺舊漫郎為邑上瞿唐地僻風煙古公餘日景長江  
聲通白帝山勢入青羌落筆多佳句時應滿錦囊

舟行有感

忽忽賞節物區區何所歸天陰鳥自語水落岸生衣客  
況知誰念人生與願違東風百花發獨採北山薇

春日懷舊遊


羈旅怯春風風光上國同情如花有約愁與酒相攻雨

外傷飄燕樓頭羨去鴻西郊遊冶地誰復醉芳叢

春日感懷

微物亦生輝輕風弄客衣花閒情脈脈蝶煖喜霏霏望  
國勲名晚傷時歲月非淹留伴猿鳥何日片帆歸

御選宋詩卷三十五



總校官庶吉士臣侍朝

校對官檢討臣蕭九成

膳錄舉人臣李駟